

Bosna i Hercegovina
Federacija Bosne i Hercegovine
Udruženje sudija/sudaca u
Federaciji Bosne i Hercegovine

Sarajevo, Valtera Perića 15
Tel/fax 033-668-035
e-mail usfbih@bih.net.ba
www.usfbih.ba

Broj: 43-3/23
Mostar, 29.09.2023. godine.

IZVJEŠTAJ
SA SJEDNICE UPRAVNOG ODBORA UDRUŽENJA SUDIJA/SUDACA U FEDERACIJI
BOSNE I HERCEGOVINE ODRŽANA 29.09.2023. GODINE

Sjednica je održana u prostorijama KS Mostar sa početkom u 13:00 sati

PRISUTNI ČLANOVI USFBiH: Elis Sultanić, Ankica Čuljak, Hakija Zajmović, Nedžad Baković, Aleksandar Kontić, Katica Artuković, Emir Neradin, Denis Kurtović, Avdija Avdić, Smajo Šabić.

ODSUTNI ČLANOVI USFBiH: Vildana Helić (opravdano), Joko Radić (opravdano), Mustafa Šabić (opravdano), Rusmira Kudić (opravdano), Edin Bičo (opravdano).

Predloženi dnevni red

1. Izvještaji posjeta ograncima Udruženja sudija FBiH
2. Plan rada – prioriteta rada Udruženja
3. Kalendar sjednica UO za 2023. godinu.
4. Dopis ogranak Zeničko-dobojskog kantona u vezi naknada za dežure u Kantonu ZDK
5. Razno: - Predstavnicima Udruženja u ZKT-u
-Dopis sudije Haris Beganović
-Zaključak povodom mišljenja VSTV BiH o angažmanu sudija i tužilaca na fakultetima.
-Pozivi

Dnevni red usvojen jednoglasno.

ODLUKE - ZAKLJUČCI

1. Upravni odbor je prihvatio izvještaje sa posjete Ograncima Udruženja koje su predsjednik udruženja i sekretar udruženja 26. i 27.06.2023. godine izvršili obilazak ogranaka: Široki Brijeg, Kanton X (Livno) i Unsko-sanski kanton, 17.07.2023. obilazak ogranak Vrhovni sud Federacije BiH i Ogranak Kantona Sarajevo, a dana 07.09.2023. godine i obilazak ogranaka u Posavskom i

Tuzlanskom kantonu. Predsjednik i sekretar planiraju u narednom periodu izvršiti posjete ograncima Srednjobosanskog kantona, Zeničko-dobojskog kantona i Bosanskopodrinjskog kantona.

2. Upravni odbor je na osnovu posjete ogranak i zaključaka sa tih posjeta utvrdili prioritete rada Udruženja u narednom periodu a to su:
 - Rad na smanjenju norme- inicijativa za izmjenu orijentacionih mjerila.
 - Poboljšati komunikaciju sa VSTV-om – ostvariti partnersku saradnju u vezi svih aktivnosti od koristi za pravosuđe BiH.
 - Poboljšanje kontakta sa VSTV-om u pogledu projekata koji se tiču donošenja zakona i drugih propisa iz oblasti pravosuđa.
 - Poboljšanje komunikacije između UO udruženja i ogranaka u vidu obavještanja o aktivnostima i dostavljanje izvještaja sa sjednica UO.
 - Uspostavljanje kontakta i komunikacije sa OHR-om, USAID-om, Ministarstvom pravosuđa F BiH.
 - Poboljšanje saradnje sa drugim strukovnim Udruženjima na teritoriji BiH.
 - Rad na ujednačavanju postupanja kantona po pitanju naknade za dežuru.
 - Nastavak učešća i aktivnosti Udruženja u ZKT-u (Zajedničkom koordinacionom tijelu Udruženju sudija i tužilaca u BiH).
 - Poboljšanje i zajedničke aktivnosti sa drugim strukovnim udruženjima iz u BiH.
 - Inicijativa da se organizuje neka vrsta sportskog druženja članova udruženja, to se može organizovati u sklopu nekih edukacija ili savjetovanja ili organizovanjem kao posebnog događaja.
 - Aktivacija radnih grupa i imenovanje novih članova u radne grupe koje su usvojene na sjednici UO 27.01.2020. godine.
 - Poboljšati saradnju sa organizatorima svih savjetovanja, edukacijama i seminarima (Sveučilište u Mostaru savjetovanje iz građanske oblasti u Neumu, Bijeljina – prekršajna oblast, Jahorina – građanska oblast).
 - Raditi na jedinstvenom stavu svih strukovnih udruženja na nivou BiH u ključnim pitanjima
 - Inicijativa da se revidira zakonski te poboljša rad ureda disciplinskog tužioca VSTV-a
3. Upravni odbor je utvrdio program sjednica UO do kraja 2023. godine. Planirane su još dvije sjednice: - Za vrijeme trajanja savjetovanje iz građanske oblasti na Jahorini od 25 do 28.10.2023. godine (26.10.2023. na Jahorini), a druga sjednica je planirana za 01.12.2023 u Sarajevu. Na sjednici 01.12.2023. će se utvrditi kalendar sjednica UO za 2024. godinu.
4. Upravni odbor je upoznat sa dopisom članice Udruženja ispred ogranka ZDK o niskim utvrđenim visinama naknada za dežure u ovom kantonu. Članovi UO su podržali dopis te je donesena je odluka da će na narednom sjednici UO na Jahorini usvojiti se dopis koji će se uputiti vladi ZDK za usklađivanje visine naknade sa prosjekom drugih kantona u FBiH te će Udruženje u narednom periodu uputiti dopise Vladi FBiH da se ujednače naknade na nivou Federacije a u svrhu zaštite diskriminacije u visini naknada za nositelje pravosudnih funkcija u Federaciji BiH.

5. Upravni odbor je pod tačkom raznom donio sljedeće odluke/zaključke:
- Kao predstavnici ZKT-a ispred Udruženja sudija Federacije BiH su imenovani: sudija Smajo Šabić (član USFBiH u ZKT-u).
 - Dopis/zahtjev sudije Harisa Beganovića iz OS Velika Kladuša od 16.05.2023. godine. Članovi UO razmatrajući podnijeti zahtjev kolege Beganović, članovi upravnog odbora koji su prisustvovali sjednici su raspravili navedeno pitanje imajući u vidu praksu sudova sa područja njihovih ogranaka i njihova lična iskustva, te saglasno usvojili zaključak, da se omogući svim sudijama prisustvo edukacijama i stručnom usavršavanju u skladu sa iskazanim interesovanjima i organizacijskim mogućnostima suda.
 - Članovu UO su usvojili dopis koji je upućen VSTV-u BiH povodom Mišljenja VSTV BiH o angažmanu sudija i tužilaca na fakultetima. Udruženje sudija FBiH se ne slaže sa mišljenjem te Udruženje poziva VSTV BiH da preispita svoja mišljenja na nekoj od idućih sjednica te zauzme pozitivan stav prema članovima pravosudne zajednice, sudijama i tužiocima koji imaju naučna i akademska zvanja u pogledu njihovog angažmana u svojstvu predavača na fakultetima kako je to i zakonom propisano, *naravno izvan radnog vremena u sudovima i tužiteljstvima*.
 - UO je donio odluku da se pozivi koji su dostavljeni za seminare i druge manifestacije na ruke predsjednika i UO dostavljaju članovima UO a opći pozivi da se dostavljaju svim članovima Udruženja.
 - Poziv na Dane sudske policije 10.10.2023. godine na ime predsjednika Udruženja će prisustvovati predsjednik Udruženja
 - Na osnovu poziva za Savjetovanje tužilaca na ruke predsjednika Udruženja od 16 do 18.10.2023. godine ispred Udruženja će na otvaranju (prvi dan prisustvovati predsjednik Udruženja) a cijelo vrijeme trajanja savjetovanja ispred Udruženja će prisustvovati član UO sudija Nedžad Baković.
 - Na osnovu poziva za Manifestacija obilježavanja Evropskog dana pravde 26 i 27.10.2023, poziv na ruke predsjednika Udruženja, koji će se održati u OS Tuzla na manifestaciji ispred Udruženja će prisustvovati članica UO sutkinja Vildana Helić.

Navedeni odluke i zaključci su usvojeni na sjednici UO USFBiH 29.09.2023.

Sastanak je okončana u 14:30 sati

**Predsjednik Udruženja
sudija/sudaca u FBiH
Elis Sultanić**

Dostavljeno:

- članovima Upravnog odbora i predsjednicima ogranaka Udruženja
- web stranica udruženja
- arhiva